

Broj: 09-11-4-524-14/26

Datum, 13.04.2026. godine

Na osnovu člana 70. stav (1) i (3) i člana 72. stav (3) tačka a) Zakona o javnim nabavkama („Službeni glasnik BiH”, br. 39/14, 59/22 i 50/24) i člana 30. Pravilnika o unutrašnjoj organizaciji Federalnog ministarstva raseljenih osoba i izbjeglica, broj: 07-02-73-16/25 od 20.03.2025. godine, a na prijedlog Komisije za javne nabavke, imenovane Rješenjem, broj: 09-11-4-524-3/26 od 13.03.2026. godine, federalni ministar raseljenih osoba i izbjeglica **donosi**

## O D L U K U

### *o izboru drugorangiranog ponuđača u postupku javne nabavke roba - Računarska oprema*

#### I

Poništava se Odluka o izboru najpovoljnijeg ponuđača, broj: 09-11-4-524-11/26 od 25.03.2026. godine u konkurentskom postupku javne nabavke roba – Računarska oprema za potrebe Federalnog ministarstva raseljenih osoba i izbjeglica, kojom je kao kao najpovoljniji ponuđač, a nakon uspješno okončane e-aukcije izabaran INTER-COM d.o.o. Zenica, sa ukupnom cijenom ponude u iznosu od 41.800,00 KM bez PDV-a.

#### II

Prihvata se preporuke Komisije za javnu nabavku roba, broj: 09-11-4-524-13/26 od 10.04.2026. godine i u skladu sa članom 72. stav (3) tačka a) Zakona o javnim nabavkama („Službeni glasnik BiH”, br. 39/14, 59/22 i 50/24) – u daljem tekstu Zakon; Ugovor o javnoj nabavci roba – Računarska oprema za potrebe Federalnog ministarstva raseljenih osoba i izbjeglica, dodjeljuje se drugorangiranom ponuđaču **DIGITARIJA d.o.o. Sarajevo, sa registrovanim sjedištem u Sarajevu, ul. Zmaja od Bosne 14c, ID 4201551320006**, za ponuđenu cijenu, nakon uspješno okončane e-aukcije, u iznosu od **41.859,00 KM bez uračunatog PDV-a**.

#### III

Prijedlog Ugovora o javnoj nabavci roba dostavit će se na potpis izabranom ponuđaču po proteku roka od 10 (deset) dana, računajući od dana kad su svi ponuđači obavješteni o izboru najpovoljnije drugorangirane ponude.

#### IV

Izabrani ponuđač, čija je ponuda odmah po rang-listi nakon ponude najuspješnijeg ponuđača, obavezan je dostaviti dokaze o kvalificiranosti, odnosno originalne ili ovjerene kopije dokumenata iz člana 45. stav (1) tačka a) do d) Zakona, u roku od 5 (pet) dana.

Rok za dostavljanje dokaza računa se od dana zaprimanja obavještenja o rezultatima postupka javne nabavke.

#### V

Za realizaciju ove Odluke zadužuje se Služba za pravne, personalne i poslove javnih nabavki.

#### VI

Ova Odluka stupa na snagu danom donošenja, a bit će objavljena na internet stranici Federalnog ministarstva raseljenih osoba i izbjeglica, u skladu sa članom 70. stav (6) Zakona, te istovremeno dostavljena svim ponuđačima koji su učestvovali u predmetnoj postupku.

### **O b r a z l o ž e n j e**

Postupak javne nabavke roba – Računarska oprema za potrebe Federalnog ministarstva raseljenih osoba i izbjeglica pokrenut je na osnovu Odluke o pokretanju postupka, broj: 09-11-4-524/26 od 03.03.2026. godine.

Postupak javne nabavke proveden je putem Konkurentskog zahtjeva za dostavu ponuda. Procijenjena vrijednost nabavke iznosila je 42.000,00 KM bez PDV-a.

Obavještenje o nabavci broj: 668-7-1-16-3-26/26 objavljeno je na Portalu e-Nabavke dana 06.03.2026. godine, a sažetak obavještenja objavljen je u Službenom glasniku BiH broj: 20/26.

Komisija za javnu nabavku imenovana je Rješenjem, broj: 09-11-4-524-3/26 od 13.03.2026. godine. Imenovana Komisija je dana 17.03.2026. godine u 10:30 sati održala sastanak na kojem je izvršeno otvaranje ponuda, o čemu je sačinjen Zapisnik o otvaranju ponuda, broj: 09-11-4-524-9/26. Tom prilikom je konstatovano da su pristigle 3 (tri)

ponude i to: INTER-COM d.o.o. Zenica, EMADO d.o.o. Sarajevo i DIGITARIJA d.o.o. Sarajevo, te da nije bilo neblagovremeno pristiglih ponuda. Istog dana svim ponuđačima su putem e-maila dostavljeni Zapisnik o zaprimanju ponuda i Zapisnik o otvaranju ponuda, nakon čega su svi Ponuđači potvrdili prijem istog.

Nakon toga, Komisija je u skladu sa tenderskom dokumentacijom i podzakonskim aktima zakazala provođenje e-aukcije za dan 23.03.2026. godine.

E-aukcija je uspješno provedena dana 23.03.2026. godine, o čemu je sačinjen Izvještaj o toku i završetku e-aukcije. Na osnovu istog utvrđena je konačna rang-lista ponuđača prema kriteriju najniže cijene, i to:

1. INTER-COM d.o.o. Zenica – 41.800,00 KM bez PDV-a;
2. DIGITARIJA d.o.o. Sarajevo – 41.859,00 KM bez PDV-a;
3. EMADO d.o.o. Sarajevo – 41.975,00 KM.

Komisija je dana 24.03.2026. godine sačinila Zapisnik o pregledu i ocjeni ponuda, broj: 09-11-4-524-10/26, kojim je utvrdila da je ponuda ponuđača INTER-COM d.o.o. Zenica, nakon provedene e-aukcije sa cijenom u iznosu od 41.800,00 KM bez PDV-a, a u skladu sa kriterijem najniža cijena, ocijenjena kao najpovoljnija, te je na osnovu navedenog dala preporuku za donošenje odluke o izboru najpovoljnijeg ponuđača i dodjelu ugovora navedenom ponuđaču.

U skladu sa članom 70. stav (1), (2) i (3) Zakona, dana 30.03.2026. godine svim ponuđačima su putem e-maila dostavljeni Odluka o izboru najpovoljnijeg ponuđača, broj: 09-11-4-524-11/26 od 25.03.2026. godine, Obavještenje o rezultatima postupka nabavke, broj: 09-11-4-524-12/26 od 25.03.2026. godine i Zapisnik o pregledu i ocjeni ponuda, broj: 09-11-4-524-10/26 od 24.03.2026. godine, te su svi ponuđači potvrdili prijem istih.

U skladu sa naprijed navedenom Odlukom, izabrani ponuđač INTER-COM d.o.o. Zenica bio je obavezan da u roku od 5 (pet) dana dostavi dokaze o ispunjavanju uslova iz člana 45. stav (1) tačka a) do d) Zakona, budući da iste nije dostavio u svojoj ponudi. Krajnji rok za dostavljanje dokaza kojim se dokazuju uslovi iz člana 45. Zakona istekao je dana 06.04.2026. godine (uzimajući u obzir da je posljednji dan roka padao u neradni dan), što znači da je rok pravilno produžen na prvi naredni radni dan.

Nakon isteka prednjeg roka, Komisija je konstatovala da izabrani ponuđač nije dostavio tražene dokaze niti u ostavljenom roku, niti nakon proteka dodatnog roka koji se u praksi priznaje u slučaju dostave putem pošte.

Zbog naprijed navedenog, Komisija je pristupila ponovnom razmatranju ponuda, te sačinila dopunski zapisnik o pregledu i ocjeni ponuda, kojim je utvrđeno da izabrani ponuđač nije dokazao ispunjavanje uslova lične sposobnosti iz člana 45. Zakona, te primjenom člana 72. stav (3) tačka a) Zakona, koji propisuje da se u takvom slučaju ugovor dodjeljuje sljedećem ponuđaču sa rang-liste čija je ponuda prihvatljiva, Komisija je dala preporuku da se ugovor dodijeli drugorangiranom ponuđaču DIGITARIJA d.o.o. Sarajevo sa sjedištem u ulici Zmaja od Bosne 14 c, ID broj: 4201551320006, čija cijena nakon okončane e-aukcije, iznosi 41.859,00 KM bez PDV-a.

Ponuda navedenog ponuđača je ocijenjena kao prihvatljiva, pravilna i u potpunosti usklađena sa zahtjevima tenderske dokumentacije.

U postupku donošenja ove Odluke posebno su cijenjene činjenice da je Komisija pravilno i potpuno izvršila ocjenu kvalifikovanosti ponuđača, kao i pregled i ocjenu ponuda, u skladu sa kriterijima utvrđenim tenderskom dokumentacijom, te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima, tenderskom dokumentacijom i provedenom e-aukcijom.


Slijedom navedenog, primjenom člana 72. stav (3) tačka a) Zakona o javnim nabavkama („Službeni glasnik BiH“, br. 39/14, 59/22 i 50/24) i člana 8. stav (2) tačka d) Pravilnika o uspostavljanju i radu Komisije za nabavke („Službeni glasnik BiH“, br. 103/14, 49/23), odlučeno je kao u dispozitivu ove Odluke.

#### **Pouka o pravnom lijeku:**

Protiv ove Odluke može se izjaviti žalba Federalnom ministarstvu raseljenih osoba i izbjeglica, u pisanoj formi direktno ili preporučenom poštanskom pošiljkom, najkasnije u roku od 5 (pet) dana od dana prijema ove Odluke.

Dostaviti:

1. Svim ponuđačima u postupku
2. Komisiji za nabavke
3. a/a



Nerin Dizdar